



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ  
ԵՎ ՍՊՈՐՏԻ ՆԱԽԱՐԱՐ

**ՀՐԱՄԱՆ**

No 60-2

«20» 12 2024 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐԱՐՈՒԹՅԱՆ ԺԱՄԱՆԱԿԱԿԻՑ ԱՐՎԵՍՏԻ ԵՎ ԳՐԱՀՐԱՏԱՐԱԿՉՈՒԹՅԱՆ ՎԱՐՉՈՒԹՅԱՆ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐԻ 2019 ԹՎԱԿԱՆԻ ՀՈՒՆԻՍԻ 11-Ի N 24-Լ ՀՐԱՄԱՆՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 37-րդ հոդվածի 1-ին մասով և հիմք ընդունելով Հայաստանի Հանրապետության վարչապետի 2019 թվականի հունիսի 1-ի թիվ 661-Լ որոշման հավելվածի 19-րդ կետի 7-րդ ենթակետը՝

**Հ Ր Ա Մ Ա Յ ՈՒ Մ Ե Մ**

1. Հաստատել Հայաստանի Հանրապետության կրթության, գիտության, մշակույթի և սպորտի նախարարության ժամանակակից արվեստի և գրահրատարակչության վարչության կանոնադրությունը՝ համաձայն հավելվածի.

1) Ստեղծել նոր բաժիններ՝

ա. Արվեստի և գրահրատարակչության ոլորտի քաղաքականության մշակման բաժին,

բ. Արվեստի և գրահրատարակչության ոլորտի ծրագրերի իրականացման բաժին:

2. Ուժը կորցրած ճանաչել Հայաստանի Հանրապետության կրթության, գիտության, մշակույթի և սպորտի նախարարի 2019 թվականի հունիսի 11-ի «Հայաստանի Հանրապետության կրթության, գիտության, մշակույթի և սպորտի նախարարության ժամանակակից արվեստի վարչության կանոնադրությունը հաստատելու մասին» N 24-Լ հրամանը:

12/20/2024

ԺԱՆՆԱ ԱՆԴՐԵԱՍՅԱՆ

ՆԱԽԱՐԱՐ՝

Signed by: ANDREASYAN ZHANNA 6402810169

Ժ.ԱՆԴՐԵԱՍՅԱՆ

Հավելված  
ՀՀ կրթության, գիտության,  
մշակույթի և սպորտի նախարարի  
2024 թ. «-----» ----- N----- հրամանի

## Կ Ա Ն Ո Ն Ա Դ Ր ՈՒ Թ Յ ՈՒ Ն

### ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ ԺԱՄԱՆԱԿԱԿԻՑ ԱՐՎԵՍՏԻ ԵՎ ԳՐԱՀՐԱՏԱՐԱԿՉՈՒԹՅԱՆ ՎԱՐՉՈՒԹՅԱՆ

#### I. ԸՆԴՀԱՆՈՒՐ ԴՐՈՒՅԹՆԵՐ

- Հայաստանի Հանրապետության կրթության, գիտության, մշակույթի և սպորտի նախարարության (այսուհետ՝ Նախարարություն) ժամանակակից արվեստի և գրահրատարակչության վարչությունը (այսուհետ՝ Վարչություն) հիմնական մասնագիտական կառուցվածքային ստորաբաժանում է,
- Վարչությունն անմիջականորեն հաշվետու է Հայաստանի Հանրապետության կրթության, գիտության, մշակույթի և սպորտի նախարարին (այսուհետ՝ Նախարար):
- Վարչությունն իր գործունեության ընթացքում ղեկավարվում է Հայաստանի Հանրապետության Սահմանադրությամբ, միջազգային պայմանագրերով, Հայաստանի Հանրապետության օրենքներով, Հայաստանի Հանրապետության կառավարության և Հայաստանի Հանրապետության վարչապետի որոշումներով, Նախարարության նորմատիվ ու իրավական այլ ակտերով և սույն կանոնադրությամբ:

4. Վարչության կանոնադրությունը, կառուցվածքը հաստատում /փոփոխում/ է Նախարարը:
5. Վարչության կառուցվածքը և հաստիքացուցակը հաստատում է Նախարարը:
6. Վարչության աշխատակիցները կարող են ընդգրկվել պետական կառավարման բնագավառում որոշակի գործառույթների իրականացման նպատակով ստեղծվող հանձնաժողովների կազմում, աշխատանքային և այլ խմբերում:
7. Վարչության անվանումն է՝ Հայաստանի Հանրապետության կրթության, գիտության, մշակույթի և սպորտի նախարարության ժամանակակից արվեստի և գրահրատարակչության վարչություն:

## **II. ՎԱՐՉՈՒԹՅԱՆ ՊԱՏԱԿՆԵՐՆ ՈՒ ԽՆԴԻՐՆԵՐԸ**

8. Վարչության նպատակն է ժամանակակից արվեստի, գրահրատարակչության (երաժշտարվեստ, թատերարվեստ, պարարվեստ, կինոարվեստ, կերպարվեստ, ստեղծարար ոլորտ, ստեղծարար արդյունաբերություն, գրահրատարակչական գործ) և մշակութային կրթության ոլորտների (այսուհետ՝ Ոլորտ) զարգացումը, տարածումը և ծառայությունների որակի բարձրացումը:
9. Վարչության խնդիրներն են.
  - 1) Նպաստել Ոլորտում իրականացվող քաղաքականության վերլուծությանը, միջազգային միտումների և օրինաչափությունների ուսումնասիրմանը,
  - 2) Մշակել Ոլորտի պետական մշակութային քաղաքականության նպատակներից և գերակայություններից ռազմավարություններ, հայեցակարգեր և դրանցից բխող նպատակային ծրագրեր և նախագծեր,
  - 3) ստեղծել ազատ ու մատչելի ծառայությունների մատուցման պայմաններ՝ ժամանակակից արվեստի բոլոր ուղղություններին հաղորդակցվելու համար,
  - 4) նպաստել գրահրատարակչության ոլորտում նորարարական տեխնոլոգիա-ների ներդրմանը և հայ ժամանակակից գրողների ճանաչելիության բարձրացմանը,

- 5) նպաստել Ոլորտում նոր ծրագրերի, նոր գաղափարների իրականացմանը. նոր ծրագրերի, ստեղծարար նախաձեռնությունների ապահովմանը,
- 6) նպաստել գրական դաշտի բոլոր օղակների հավասարաչափ զարգացմանը, գրական արտադրանքի միջոցով գրական-մշակութային ժառանգության պահպանմանը, զարգացմանը, տարածմանը և հանրիոչակմանը, քաղաքացիական հասարակության ձևավորմանը,
- 7) աջակցել թարգմանական աշխատանքներին, մշակութաբանական հետազոտություններին, գրականության և գրաքննադատության նախագծերին, խթանել նշանակալի, մնայուն և հանրօգուտ աշխատանքների ստեղծումը, որն էլ իր հերթին կնպաստի գրականության և հասարակական գիտությունների զարգացմանը,
- 8) աջակցել ազգային փոքրամասնությունների համար Հայաստանում լույս տեսնող տպագիր և էլեկտրոնային պարբերականների գործունեությանը՝ այդ կերպ խթանելով փոքրամասնությունների ազգային լեզվի, բանահյուսության, մշակույթի, ավանդույթների պահպանումը,
- 9) աջակցել գրական և մշակութային պարբերականներին ազգային-քաղաքակրթական արժեքների տարածմանը, հայ մշակույթի ավանդույթների և նոր ձեռքբերումների արժևորմանը, ժամանակակից ստեղծագործական մոտեցումների զարգացմանը,
- 10) խթանել ընթերցանությունը, իրականացնել գրականության հանրահոչակ-մանը միտված հանրապետական և միջազգային գրական ծրագրեր, կազմակերպել գրքի միջազգային ցուցահանդեսներին Հայաստանի մասնակցությունը,
- 11) ապահովել տեսողության սահմանափակ կարողություն ունեցող անձանց մշակութային կրթության, տեղեկատվություն ստանալու իրավունքը բրայլյան տառատեսակով գրքերի տպագրության, աուդիոգրքերի ձայնագրման և այլ միջոցներով,

- 12) հրատարակել Հայաստանի և հայկական մշակութային ժառանգությունը ներկայացնող օտարալեզու գրականություն՝ այդ գրքերով համալրելով արտերկրի կարևորագույն գրադարանները:
- 13) ապահովել միջազգային համագործակցության և միջազգային կոնվենցիաների շրջանակներում հայ ժամանակակից արվեստի հանրահռչակումը,
- 14) միջազգայնացնել հայ դասական և ժամանակակից գրականությունը՝ աջակցելով արտերկրի այն հրատարակչություններին, որոնք պատրաստակամ են իրենց երկրում օտար լեզվով հրատարակել հայ գրականություն:

### **III. ՎԱՐՉՈՒԹՅԱՆ ԳՈՐԾԱՌՈՒՅԹՆԵՐԸ**

10. Վարչությունն իր լիազորությունների շրջանակում իրականացնում է հետևյալ գործառույթները՝ ըստ բաժինների.

#### **10.1. Արվեստի և գրահրատարակչության ոլորտի քաղաքականության մշակման բաժին.**

- 1) Մշակում է օրենսդրական և այլ նորմատիվ իրավական ակտերի նախագծեր, ռազմավարություններ և հայեցակարգեր, ինչպես նաև Նախարարին և Գլխավոր քարտուղարին ներկայացնում է առաջարկություններ արվեստի, գրահրատարակչության և մշակութային կրթության բնագավառներում Հայաստանի Հանրապետության օրենսդրության կատարելագործման վերաբերյալ, ապահովում իրավական ակտերի կիրարկումը,
- 2) պետական մշակութային քաղաքականության իրականացման նպատակով մասնակցում է իր համակարգման Ոլորտի ՊՈԱԿ-ների (թատերահամերգային, մշակութային կրթություն իրականացնող կազմակերպություններ, կինոստուդիա, կինոկենտրոն, մշակույթի և ժամանցի կենտրոն) (այսուհետ՝ ՊՈԱԿ-ներ) սոցիալ-

տնտեսական զարգացման տարեկան, միջնաժամկետ և երկարաժամկետ ծրագրերի մշակմանը,

- 3) մշակում է պետական, նպատակային ու զարգացման կարճաժամկետ ծրագրեր, առանձին միջոցառումներ, նպաստում դրանց իրականացմանը,
- 4) մասնակցում է Հայաստանի Հանրապետության տարեկան բյուջեի նախագծի մշակմանը,
- 5) ներկայացնում է առաջարկներ Հայաստանի Հանրապետության պետական բյուջեի նախագծի գրահրատարակչության ոլորտի մասով միջնաժամկետ և տարեկան պետական պատվերի ձևավորման վերաբերյալ,
- 6) ապահովում է Ոլորտի պետական քաղաքականության վերլուծությունը, ուսումնասիրում զարգացման միտումները և օրինաչափությունները, առաջարկություններ ներկայացնում դրա կառավարման սկզբունքների, իրականացման ձևերի և կարգերի բարելավման վերաբերյալ,
- 7) իրականացնում է ՊՈԱԿ-ների համակարգումը, ոչ ֆինանսական ցուցանիշների ու արտադրական գործունեության փաստաթղթային ուսումնասիրություններ և վերլուծություններ.
- 8) մշակում է ՊՈԱԿ-ների հետ կնքվող դրամաշնորհի, պետության կողմից ուսանողական նպաստների տրամադրման մասին տարեկան պայմանագրերի բովանդակային դրույթները.
- 9) մշակում է Հայաստանի Հանրապետության տարածքում հյուրախաղային և ցուցահանդեսային գործունեության ընդլայնմանը, ստեղծագործական խմբերի, մշակութային, կրթական կազմակերպությունների միջև տարածաշրջանային համագործակցության ստեղծմանն ու զարգացմանը նպաստող ծրագրեր.
- 10) ներկայացնում է առաջարկներ Ոլորտի մասնագետների պատրաստման, վերապատրաստման, վերաորակավորման վերաբերյալ.
- 11) մշակում է Ոլորտի բնագավառում պետական կրթական չափորոշիչներ, մեթոդական ուղեցույցներ,

- 12) ներկայացնում է առաջարկություններ մշակույթի բնագավառում իրենց վաստակով նշանավոր անձանց և արվեստագետներին պետական պարգևների, ինչպես նախարարության պարգևների վերաբերյալ,
- 13) ուսումնասիրում և վերլուծում է ՊՈԱԿ-ների ստեղծագործական գործունեության տարեկան հաշվետվությունները, կազմում եզրակացություններ,
- 14) ներկայացնում առաջարկություններ պետական կազմակերպություններ ստեղծելու, վերակազմակերպելու և իր ենթակայությանը հանձնված պետական կազմակերպությունները պատմական, հասարակական-քաղաքական, մշակույթի, արվեստի, գիտության նշանավոր գործիչների և անձանց անուններով կոչելու վերաբերյալ,
- 15) իրեն վերապահված լիազորությունների սահմաններում պետական կառավարման տարածքային մարմինների հետ համատեղ իրականացնում է պետական մշակութային տարածքային քաղաքականությունը,
- 16) նպաստում է Հայաստանի Հանրապետությունում գործող ստեղծագործական խմբերի, ստեղծագործող անհատների և միջազգային մշակութային կազմակերպությունների միջև համագործակցության, կապերի և փոխանակումների ստեղծմանն ու զարգացմանը,
- 17) մասնակցում է միջազգային միջգերատեսչական պայմանագրերի մշակմանը, ապահովում միջազգային պարտավորությունների կատարումը ժամանակակից արվեստի և գրահրատարակչության բնագավառում,
- 18) ապահովում է մեթոդական, տեղեկատվական, վերլուծական և այլ բնույթի նյութերի հրապարակումը՝ ժամանակակից արվեստի և մշակութային կրթության բնագավառներում՝ պետական նպատակային ծրագրերին համապատասխան.
- 19) մշակութային քաղաքականության ապահովման նպատակով մասնակցում է պետական միասնական տեղեկատվական համակարգի ստեղծմանը,
- 20) ապահովում է գրականության, գրքի և գրահրատարակչության բնագավառի պետական քաղաքականության վերլուծությունը, ուսումնասիրում զարգացման

միտումները, առաջարկություններ ներկայացնում դրա կառավարման սկզբունքների և իրականացման ձևերի վերաբերյալ,

- 21) մշակում է գրքի, տպագիր արտադրանքի և հրատարակչական գործի զարգացման ծրագրեր,
- 22) ներկայացնում է առաջարկներ Նախարարին գրող - գրական մամուլ - գրական գործակալ – հրատարակիչ – գրավաճառ - ընթերցող շղթայի ամրացմանն ուղղված նախաձեռնությունների վերաբերյալ,
- 23) գործակցում է արտերկրի հրատարակչությունների և մշակութային կազմակերպությունների հետ՝ հայ գրականությունը թարգմանաբար հանրայնացնելու համար,
- 24) համագործակցում է ՀՀ միջազգային պայմանագրերին համապատասխան օտարերկրյա պետությունների գրահրատարակչության բնագավառի լիազոր պետական մարմինների հետ, մասնակցում է գրահրատարակչության բնագավառի միջազգային կազմակերպությունների աշխատանքներին,
- 25) միջոցներ է ձեռնարկում Հայաստանի և հայկական մշակութային ժառանգությունը ներկայացնող, արվեստի դասական արժեքները հանրայնացնող գրականություն հրատարակելու համար,
- 26) մասնակցում է Հայաստանի Հանրապետության միջազգային պարտավորություններից բխող մշակութային բազմազանության և ժամանակակից արվեստի ու ստեղծարար ոլորտին առնչվող Հայաստանի ազգային զեկույցների պատրաստմանը, ներկայացնում է առաջարկություններ ՅՈՒՆԵՍԿՕ-ի հոբելյանական տարեթվերի ցանկում ընդգրկելու և նմանատիպ այլ կարևոր նախաձեռնություններին Հայաստանի մասնակցության վերաբերյալ,
- 27) կազմակերպում և համակարգում է մասնագիտական խորհուրդների և հանձնաժողովների աշխատանքները, մշակում աշխատակարգեր, կազմում արձանագրություններ,

- 28) մշակում է Նախարարության կողմից այլ գերատեսչություններին և կազմակերպություններին ներկայացվող ոլորտային տեղեկանքների, առաջարկությունների և այլ փաստաթղթերի նախագծեր,
- 29) ապահովում է ժամանակակից արվեստի և գրահրատարակչության ոլորտներում հատուկ նպատակներով ստեղծված և Նախարարին կից գործող խորհուրդների և հանձնաժողովների աշխատանքը,
- 30) մշակում է ժամանակակից արվեստի և գրահրատարակչության բնագավառում մասնագետների պաշտոնական պարտականությունների բնութագրերը,
- 31) իրականացնում է օրենսդրությամբ Վարչությանը վերապահված այլ գործառույթներ:

## **10.2. Արվեստի և գրահրատարակչության ոլորտի ծրագրերի իրականացման բաժին.**

- 1) մասնակցում է ժամանակակից արվեստի և գրահրատարակչության ոլորտներում Նախարարության պատվերով իրականացվող դրամաշնորհային ծրագրերի մրցույթների իրականացմանը,
- 2) ամփոփում է ժամանակակից արվեստի և գրահրատարակչության ոլորտներում ստեղծագործական ծրագրերի բովանդակային հաշվետվությունը և կազմում եզրակացություններ,
- 3) առաջարկություն է ներկայացնում օտարերկրյա պետություններում ժամանակակից արվեստի ոլորտում մշակութային համագործակցության նպատակով ստեղծագործական խմբերի, անհատ կատարողների, շնորհալի երեխաների ու ստեղծագործողների հյուրախաղերի իրականացման, փառատոների, մրցույթների, վարպետության դասերի մասնակցության, ինչպես նաև՝ համապատասխան մասնագետների գործուղման վերաբերյալ,
- 4) առաջարկություն է ներկայացնում օտարերկրյա պետություններում գրքի և գրահրատարակչության ոլորտում մշակութային համագործակցության

նպատակով գրքի միջազգային փառատոներին և տոնավաճառներին Հայաստանի և հայ գրողների ու թարգմանիչների, ինչպես նաև գրահրատարակչների մասնակցության, երիտասարդ գրողների և թարգմանիչների արվեստագիտական աշխատարանների մասնակցելու, ինչպես նաև՝ համապատասխան մասնագետների վերապատրաստումների գործուղման վերաբերյալ,

- 5) իրեն վերապահված լիազորությունների սահմաններում հասարակական կազմակերպությունների հետ համատեղ աջակցում է ազգային փոքրամասնությունների (ներառյալ ազգային փոքրամասնությունների լեզվով հրատարակվող մամուլի հրատարակումը) մշակույթի հանրահռչկմանն ու տարածմանը նպաստող ծրագրերի մշակմանը,
- 6) իրականացնում է միջազգային և հանրապետական մրցույթներ, փառատոներ, ցուցահանդեսներ, ինչպես նաև գիտաժողովներ, համաժողովներ և այլ միջոցառումներ՝ ապահովելով դրանց կազմակերպումն ու անցկացումը,
- 7) Հայաստանի Հանրապետության օրենսդրությամբ և Հայաստանի Հանրապետության միջազգային պայմանագրերով սահմանված կարգով միջոցներ է ձեռնարկում ընթերցանությունը խթանելու համար,
- 8) ապահովում է գրահրատարակչության ոլորտի պետական պատվերի տեղաբաշխման, դրա կատարման ընթացքի հսկողության, արդյունքների ընդունման գործընթացները և ստեղծում տվյալների շտեմարան,
- 9) զարգացնում է գրաքննադատությունը՝ աջակցելով գրական մամուլում հրապարակումներին և գրաքննադատներին դրամաշնորհային ծրագրերի միջոցով,
- 10) աջակցում է ցուցահանդեսների, տոնավաճառների, փառատոների, գիտաժողովների, համաժողովների, սեմինարների (այդ թվում՝ միջազգային) և այլ միջոցառումների կազմակերպմանը,

- 11) ըստ անհրաժեշտության՝ արձագանքում է զանգվածային լրատվության միջոցներով քաղաքացիների և/կամ իրավաբանական անձանց հարցերին և բարձրացրած ահազանգերին,
- 12) ապահովում է գրողների ստեղծագործական կարողությունների լիարժեք դրսևորման համար նպաստավոր պայմաններ,
- 13) ապահովում է արտերկրի գրադարանների համալրումը հայագիտական և հայաթեմա օտարալեզու գրականությամբ,
- 14) իրականացնում է միջազգային հեղինակավոր մրցույթներում մրցանակների արժանացած և դրամական խրախուսման ծրագրի շահառու դարձած անձանց շտեմարանի վարումը/հաշվառումը, փաստաթղթերի ընդունումը, հանձնաժողովի նիստերի կազմակերպումը, համապատասխան արձանագրությունների կազմումը և Նախարարի հաստատմանը ներկայացնելու գործընթացը,
- 15) պարբերաբար ներկայացնում է հաշվետվություններ նախատեսված ծրագրերի և միջոցառումների կատարման ընթացքի մասին,
- 16) քննարկում է և ներկայացնում առաջարկություններ պետական և տեղական ինքնակառավարման մարմինների, քաղաքացիների ու իրավաբանական անձանց գրությունների (դիմումներն ու բողոքները), նպաստում դրանցում արձարժված հարցերի լուծմանը,
- 17) համակարգում է նախարարության համագործակցությունը ՀՀ օրենսդիր և գործադիր մարմինների, տեղական ինքնակառավարման մարմինների, հասարակական ու այլ կազմակերպությունների, ստեղծագործական միությունների հետ, նպաստում շփումների ստեղծմանն ու զարգացմանը,
- 18) Նախարարի, Նախարարի տեղակալների և Գլխավոր քարտուղարի հանձնարարությամբ՝ կազմակերպում է քաղաքացիների ընդունելությունը,
- 19) ըստ անհրաժեշտության, ստեղծում է և վարում շտեմարաններ կինոարվեստի, գրահրատարակչության կերպարվեստի, երաժշտարվեստի, թատերարվեստի

ոլորտներում, ինչպես նաև մշակութային կրթության, արվեստի, երաժշտական և գեղարվեստի դպրոցներում դասավանդող ատեստավորված մանկավարժների, պատվավոր կոչումների արժանացած արվեստի և մշակույթի գործիչների վերաբերյալ,

- 20) նախարարության կայքում տեղադրելու համար՝ պարբերաբար համակարգող նախարարի տեղակալին է ներկայացնում տեղեկույթ Ոլորտում ստեղծագործական ծրագրերի, միջոցառումների վերաբերյալ,
- 21) իրականացնում է օրենսդրությամբ Վարչությանը վերապահված այլ գործառույթներ:

#### **IV.ՎԱՐՉՈՒԹՅԱՆ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ, ՂԵԿԱՎԱՐՈՒՄՆ ՈՒ ՀԱՄԱԿԱՐԳՈՒՄԸ**

- 11. Վարչության ղեկավարը հաշվետու է Նախարարին:
- 12. Վարչության գործունեությունը ղեկավարում և համակարգում է Վարչության պետը:
- 13. Վարչության և բաժինների ընթացիկ գործունեությունը կազմակերպում են բաժինների պետերը:
- 14. Վարչության պետը, բաժինների պետերը և աշխատակիցները համարվում են քաղաքացիական ծառայողներ:
- 15. Վարչության պետի, բաժինների պետերի և աշխատակիցների աշխատանքի կազմակերպման և ղեկավարման պատասխանատվության, որոշումներ կայացնելու լիազորությունների, շփումների և ներկայացուցչության, խնդիր-ների բարդության և ստեղծագործական լուծման, գիտելիքների և հմտությունների, իրավունքների և պարտականությունների դրույթները սահմանվում են քաղաքացիական ծառայության պաշտոնների անձնագրերով:

## **V. ՎԱՐՉՈՒԹՅԱՆ ԿԱՌՈՒՑՎԱԾՔԸ**

16. Վարչությունը կազմված է հետևյալ ներքին կառուցվածքային միավորումներից.

- 1) Արվեստի և գրահրատարակչության ոլորտի քաղաքականության մշակման բաժին,
- 2) Արվեստի և գրահրատարակչության ոլորտի ծրագրերի իրականացման բաժին: